

Urbes.

Lotensens : multasque Baronias , ut vocant. Numeranturque in hoc Tractu , præter Trajectum , cuius media pars Duci Brabantiae paret , *xxi* v Urbes muris munitæ & *cio* *iocc* pagi templis turrigeris ornati , multasque Abbatiæ & Dominia. Urbium nomina hæc sunt : *Leodium* , *Bolionium* , *Francimontium* , *Loots* , *Borchworm* , *Tungri* , *Hoiium* , *Hasselt* , *Dinantum* , *Masacum* , *Stochum* , *Bilsenum* , *S. Trudonis* , *Viseum* , *Tunum* , *Varem* , *Beringum* , *Herck* , *Bree* , *Pera* , *Hamontium* , *Sincium* , *Fossa & Covinum* , ut eas numerat & nominat Guicciardinus. Harum omnium Metropolis est *Leodium* , nonnullis *Augusta Eburonum* , incolis *Liege* ; Teutones *Luyck* & *Luttich* vocant. Urbs antiqua , cuius prima auspicia in Ambiorigem magnanimum Eburonum Regem Hubertus Thomas Leodiurum refert , quo duce indigenæ per insidias obruerunt Cottam & Sabinum , interfecta Legione una Romanorum , cum v cohortibus , quemadmodum id C. Cæsar lib. v. Commentariorum suorum de bello Gallico prolixè refert. Alii Urbem arbitrantur esse novitiam , conditam a D. Huberto Aquitano ; cuius sententiæ error manifestissime ex Monimentorum quorundam & structurarum antiquitate convincitur. Præter *Mosam* & *Legiam* influunt in Urbem alia aliquot Flumina , *Vies* , *Vesè* , *Ambliurns* , ex Silva Arduenna orti. Sunt & Fontes illimes & pellucidi tam frequentes , ut multæ privatorum domus binos aut ternos habeant. Urbs ipsa laxa est , Montesque & valles aliquot complectitur ; Ambitus ejus est i v Italicorum Milliarium. Edificia ampla , ac præ cæteris superbum est & magnificum Episcopi Palatium , constructum a Cardinali Erardo Episcopo Leodiensi. Publicis vero Templorum structuris , sive numerum Ecclesiarum spectes , sive elegantiam , splendorem , divitias , omnes superat non modo Gallia , sed etiam Germaniæ utriusque civitates. Octo in ea sunt Tempia Collegiata , in quibus divites admodum Canonici : Splendidissimum vero est Templum D. Lamberti , qui tutelæ præest civitatis. Templum hoc Cathedrale est : cuius Episcopus totius ditionis & Dioceseos Princeps , Canonici Consiliarii ; sed ad Canonicatum nemo admittitur , qui non sit aut nobili prognatus stemmate , aut aliqui Doctor vel Licentiatas ; licetque Canonico (nisi in sacerdotum numerum fuerit cooptatus) resignare beneficium , uxorem ducere , aliud quodvis minus suscipere. In hoc Templo multa admodum sunt vasa magni pretii , multa ornamenta aurea argenteaque : inter alia , statua est D. Georgii ex puro auro , quam Carolus Burgundiæ Dux consecravat. Sunt & quatuor Abbatiæ perquam opulentæ , & Bibliothecis instructissimis exornatæ. Parœciæ intra urbem sunt *xxxii* cum Ecclesiis totidem. Atque ex his apparet , non immerito a Petrarcha olim scriptum , *Vidi Leodium , insignem Clero locum*. Episcopus jus habet titulumque Principis : tanta tamen libertate & tot privilegiis concessis Civitati , ut pene libera videri possit. Habet enim suos Consules , Scabinos , Magistratum. Studia hic olim magno in honore fuere , adeo ut observatum sit , uno eodemque tempore Leodii ix Regum Filios , *xxi* v Ducum , *xxx* Comitum , litteris artibusque humanioribus operam navasse ; præter Baronum & aliorum Illustrum Virorum liberos , qui plerique omnes Canonici erant Templi D. Lamberti. *Bolionium* , *Bouillon* , Castellum est quarto *Ivoys* milliari , decimosexto a *Leodio* in Montis vertice mirabili artificio constructum : sedes Ducum *Buillonensium*. Ab hac nomen habuit *Godefredus* Dux Lotharingæ , qui anno *cioxcvi* in Concilio generali